



JUDICIAL SYSTEM MONITORING PROGRAMME  
PROGRAMA MONITORIZASAUN SISTEMA JUDISIAL

## ***Komunikadu Imprensa***

Parlamentu Nasionál  
30 Setembru 2013

### **Parlamentu Nasionál aprova proposta orsamentu ba Parlamentu tinan 2014 ho votus unanimidade**

Iha 26 Setembru 2013, Parlamentu Nasionál (PN), debate no tama ba aprovasaun finál globál unanimidade relasiona ho Projeitu Rezolusaun Nú. 11/III kona-ba Planu Asaun Orsamentu Parlamentu Nasionál ba tinan 2014. Projeitu Rezolusaun ne'e pasa ho total deputadu na'in 53 ne'eb'e mak marka prezensa.

"JSMP haksok hodi hare katak durante debate deputadu balun hahu hatudu sira nia konsensia atu hateke ba povu nia realidade hodi propoin proposta atu reduz gastu ba viajen estranjeiru no hakbesik an barak liu ba povu iha área rural. Mesmu proposta ne'e la pasa maibe hatudu sentidu sensebilidade ba situsaun real povu nian.," dehan Diretor JSMP Luis de Oliveira.

Diskusaun ba proposta orsamentu ne'e hala'o durante loraun 4 (ha'at) hahu husi 23 to'o 26 Setembru 2013. Diskusaun ne'e hamosu prioridade sira hanesan; moderniza fasilidade PN, hadia intensivu ba deputadu sira ba halo fiskalizasaun iha baze, hadia mekanismu koordinasaun no kapasitasaun ba funsionariu parlamentu sira inklui hadai bem estar (*kesejahteraan*) ba funsionariu kontratadu sira atu apoiu servisu parlamentu di'ak liu tan iha 2014.

Proposta Rezolusaun ne'e, aprova ho total estimasaun planu orsamentu ba PN ba tinan 2014 maisumenuz atinji \$. 14,5 milhiões dolar amerikanu. Orsamentu ne'e sei uja hodi kobre salariu/vensimentu, bens servisu, kapital minor no trasferensia públiku no viajem ba estranjeiru.

Atu hetan informasaun kle'an liu tan favor kontaktu:

Diretor Ezekutivu JSMP

Email: [luis@jsmp.minihub.org](mailto:luis@jsmp.minihub.org)

[info@jsmp.minihub.org](mailto:info@jsmp.minihub.org)

Telefone: 3323883 | 77295795

Website: [www.jsmp.tl](http://www.jsmp.tl)

Face book: [www.facebook.com/timorleste.jsmp](http://www.facebook.com/timorleste.jsmp)

Twitter: @JSMPtl